

Loke nos emisoranan radial tabata tin durante 1998

Durante e aña aki, nos emisoranan tabata tin nan bon nan y nan malo nan. Nan bonnan tabata e aumento di cantidad di Talkshow, nan programanan di mucha, aumento di programanan religioso y momentonan pa reflexion, musica clasica cu a haya mihor empuhe, mas noticiero y mas programanan cu premio, y por a nota con programanan di musica di antaño a aumenta y bira masha popular, y cu varios emisora cu programanan di Top hit, tanto popular como Top Hit di grabacionnan importa di exterior.

Pa dos emisora mester kita sobre sinembargo, pa local ta trata musica di nos artistanan Arubano y Antiyano. Esey ta **RADIO KEIK-BOOM** y masha bunita tabata nan periodo navideño completamente cu artistanan local cual lo sigui pa resto di e aña aki, nan programanan diamars y diaveirna cu musica tipico so, y **RADIO CARUSO BOOY** cu mas dedicacion na programanan di nos propio artistanan.

TALKSHOWNAN MASHA POPULAR

Casi tur emisora tin nan Talkshownan y **INTERES DI PUEBLO** na Top FM cu Nilo Croes diasabra mainta sigur tabata esun hopi comenta te cu e emisora ta usa e lema di "Talkshow mas sintoniza".

E programa **OPINION** di Radio 1270 cu Shirley Angela-Eisden diasabra atardi y su **BRUNCH CU SHIRLEY** diasabra mainta ta hopi scucha y ta goza di hopi popularidad.

E programa di Shirley cu tin hopi sintonia tambe ta e combinacion cu Gonzalo Cuares di Z-86, 10 or pa 12 or Diabierna mainta, **MAS LAAT MAINTA**.

Otro talkshow masha sintoniza ta esun di Gerda de Groot na Radio Carina, **TOPICO** tur diasabra mainta 9 or pa 10 or cu topiconan hopi interesante.

Pero diariamente for di 8.30 or te 10 or mainta, no por keda sin menciona Dika Fingal-Feliciano cu **LIFESTYLE**. Esaki ta un di e programanan cu ta goza di masha hopi oyente tur mainta y ta un placer pa scucha.

Fuera di e talkshownan riba topico specifico y cu invitadonan of yamadanan di oyentenan riba e topico, tin e programa di Jimmy Oduber na Radio Galactica **SKINA DI RECUERDO** cu ta hopi interesante cu topiconan di loke a pasa riba nos isla riba diferente tereno.

Nilka Franca na HIT 94 tambe ta masha popular cu su Talkshow di 10 or pa 12 or mainta y cu su bishitantenan y hopi biaha cu reaccion di oyentenan riba e topico. No por keda sin menciona Lord Cobashi na Caruso FM cu su **CRITICA CONSTRUCTIVO** diadomingo 12.30 or merdia, kende tambe tin su oyentenan "vast".

Chico Creeze na Top 95 a logra haci su talkshow **DEN CINCO SPEED** un di e programanan mas popular den categoria di talkshow combina cu deporte. E programa aki tanto na Aruba como Corsow a bira programa cu hasta esnan cu no ta fanatico di Drag ta sintonize religiosamente, y hendenan di tur edad. Ta e tipo di talkshow manera di Z-86 "Mundo di Animal" diadomingo merdia, caminda cu hasta hendenan cu no ta cria bestia, ta sigui semanalmente na Aruba tambe. **DEN CINCO SPEED** ta un must pa 1999.

PROGRAMANAN TRADICIONAL Y MUSICA CLASICA

Programanan tradicional y di musica clasica ta hayando nan lugar y otronan a keda cu nan popularidad durante 98.. Musica Clasica ta masha popular na Radio Carina cu Flor Huygen cu **CARINA KLASIEK** diadomingo 8 or mainta. Na Radio Kelkboom tin **CONCIERTO** 8 or mainta fin di siman cu ta hopi gusta. Radio Caruso Booy a caba di

celebra su 20 aña di existencia, pero cu e celebracion publico dia 30 di e luna aki dilanti studio. E programa di **RANCHERA** cu a cuminsa 20 aña pasa tur merdia, awe pasa pa Erwin Martijn a keda como programa tradicional masha popular. Na Caruso Booy FM masha popular ultimo 20 aña ta **BOLEROS DE ANTAÑO** cu awe ta ser dirigi pa Sra.vda. Sira Booy y usa masha hopi durante breaknan di programacion. Radio Kelkboom tambe tin su **MEY ORA CU BOLERO** 1.30 or pa 2 or y su ora cu **RANCHERA** di 4 or pa 5 or cu ta sigui ta popular 45 aña caba. Papiando di Radio Kelkboom no por keda sin menciona **BUTISHI DI ALEGRIA** tur diadomingo merdia 2 or pa 4 or y 35 aña dirigi pa e mes dos personanan, Ito Tromp y Eddy Tromp. Den e programanan tradicional hopi scucha aki no por laga afo tampoco Janchi Tromp cu su programa radial di tur merdia na Voz di Aruba, **LO EXCLUSIVO** cu mas bien ta e prome talkshow radial y cu e aña aki tambe a keda fuerte. **LO EXCLUSIVO** ta e talkshow cu record sigur.

Y den e categoria aki no por laga afo **COUNTRY MUSIC** tur mainta di 5 or pa 7 or na Radio Kelkboom como programanan tradicional.

AUMENTO DI PROGRAMANAN RELIGIOSO RADIAL

E aña aki por a nota tambe e aumento di programanan religioso radial y tin di nan cu ta masha popular. Tur mainta di 7 or pa 8 or e **GOSPEL** di Crystal FM ta bon sintonisa, y di 6 or di mainta pa 9 or na Hit 94, Landho Garcia cu su programa di **INSPIRACION** cu hopi oyente. Caruso FM tin su cuarto di ora religioso tur merdia 12 or pa 12.30 or cu su oracion 3 or di Hesus Misericordioso. Na Radio Kelkboom tur mainta 6.15 or Zuster Juliette cu su **CHARLA CU ZUSTER JULIETTE** haciendo uso di **PISCADOR** y su reflexion. Diasabra atardi Zuster Juliette tin tambe su cuarto di ora 6.45 or tratando evangelio di fin di siman ey.

MUSICA DI ANTAÑO A HACI SU "COMEBACK"

Programa masha popular na emisoranan ta programanan di musica di antaño cu e aña aki a haya su "comeback" fuerte.


Esun cu duracion cortico, pero cu ta un **MESTER** pa sigui januari, ta di Chico Creeze. Ultimo simannan Chico a pone oyentenan cabez abao cu su **ANTAÑO DI FIN DI AÑA** cu a subi bay espacio manera un cohete o misil. Cuanto hende no ta comenta cu pa simannan largo nan no por haya contacto cu Top95 durante e programa aki, debi na e "cayente" cu e telefonnan ta continuamente. Pa 1999, na januari caba, Chico mester busca manera pa sigui cu "recuerdonan di ayera".

Na Revolucion 88.9 Richard Brito tin su **DECADAS ANTAÑO** hopi sintonisa, Casin Giel cu ta varia di dje 7 or pa 8.30 or anochi den **MOMENTONAN ROMANTICO**, y hopi scucha **MOMENTONAN PA RECORDA** cu papito Rafael 8.30 pa 10 or. Di Caruso FM a menciona ariba **BOLEROS DE ANTAÑO**, di Radio Kelkboom, **BUTISHI DI ALEGRIA** y **MEY ORA CU BOLERO**.

Riba tereno di musica popular na ingles den categoria aki por menciona entre otro Hit 94 cu **AMERICAN GOLDEN HITS**, Leslie Hoovert na MI FM cu **BACK TO THE EIGHTIES**, na Radio Kelkboom diadomingo anochi 10-11 or **GOLDEN OLDIES**, Galactica tambe cu su **GOLDEN OLDIES**. Tur di nan ta programanan cu sigur tabata tin nan sintonia grandi mirando e reaccionnan.

Tin otro tipo di programanan radial cu tambe a goza di hopi popularidad durante aña, pero riba esakinan lo mi bini back mañan prome cu pasa pa television.

Juby



Drenta den
e mundo
maravioso
di coi'hunga

Bin bishita "Treasure Box",
é unico negoshi cu ta
specialisa den coi'hunga
colorido y educativo
di puro palo.

TREASURE BOX
TOY STORE
AWOR DEN CERTIFIED MEGA MALL

B.J. ARENDS
& SONS INC

BO TABATA SA CU
NA TUR NOS NEGOSHINAN
BO TA GOZA TUR DIA DI
10% DI DESCUENTO Y
ARIBA DIASABRA 15% OFF
HASTA 20% DI DESCUENTO

PA KICO PAGA MAS
PA HARDWARE,
HOUSEWARES OF
BUILDING MATERIALS

BRENCHIES
 O'STAD-DAKOTA-SAN NICOLAS
 "#1 DESDE 1934"

Flower Fountain
 Caya Ernesto Petronia 86-C

a caba di ricibi gran surtido di flor especialmente
 pa arreglonan di Pasco.

Tambe nos tin 25% descuento riba porchi di klei.
 Habri tur dia di 8'or - 6'or NONSTOP!

Pa pedido Tel/Fax: 839094

Mucho Trabou???
No tin tempo pa yena galiña?
Nos ta hacie pa bo pa solamente
Afl.25,= Sin Horna
35,= Horna
Pa mas informacion yama na
Tel: 875220 of 834783